

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

Junie

2022

June

Terwyl ons op die randjie van die winter staan sien ons dat die vuurpyle en alwyne in ons tuine besig is om reg te maak om met hulle jaarlikse vuurwerkvertoning te begin. Dis voorwaar die seisoen van genade. Die seisoen van binne toe kyk en diep-rus. Geniet jou rolbal en die koeler seisoen met sy eie bekoring

Dis nou **WINTERSEISOEN** en daarom is skyfie in tyd om 13h00 en begin spel 13:30 op Saterdag. Skyfies in om 9h00 op Dinsdae en Donderdae en spel begin om 9:30

If you want to know someone's mind, listen to their words.

If you want to know someone's heart, watch their actions.

ALGEMENEJAARVERGADERING / PRYSUITDELING: 20 AUGUSTUS 2022

Hierdie verrigtinge vind op een dag plaas. Tyd sal later bekend gemaak word.

Mosies, indien enige, moet in skrif wees en minstens 40 dae voor die algemene jaarvergadering in 'n houer wat daarvoor voorsien is of in die kassie by die kantoor, geplaas word.

Ons wil dit op elke lid se hart druk om hierdie baie belangrike vergadering, waar belangrike besluite aangaande die klub se welvaart, geneem word, by te woon. Dit kan tot elkeen se voordeel strek om ons konstitusie te bestudeer voor die vergadering. Meer ingeligte besluite kan so geneem word.

Leadership is not by size and status but by courage and a powerful mindset.

Lynwood is hierdie jaar die gasheer van die **VIERHOEKIGE BYEENKOMS**, op 23 Julie 2022. Daar sal 'n lys op die bord geplaas word en as jy wil deelneem, skryf jou naam op. Die keurders sal die spanne saamstel. Koste vir die dag sal later verstrek word.

Meyersparkdag is in gemoedelike gees gespeel by Centurion. Ou vriendskappe is hernu en nuwes is gesmee. Centurion was die trofeewenner vir die dag met 250 teenoor 167 punte. Welgedaan! Baie dankie aan Liezel en haar helpers vir die heerlike eetgoed en Johan, by die kroeg, vir welkome lafenis. Dankie aan een en elk wat gehelp het om van hierdie dag 'n groot sukses te maak.



Hannes jy het beindruk met jou weergawe van die telkaarte. Daar is iets waaroor ek wonder: Hoekom word dit Meyersparkdag 🐱 genoem en nie Centuriondag nie. Sou Meyerspark praat van Centuriondag?

To ignore the facts does not change the facts.

Toernooi vir gestremdes: Durban

Bosman en Hermien was twee van die agt BGN rolbalspelers wat die Nasionale Toernooi vir Gestremdes vanjaar van 21 tot 28 Mei in Durban bygewoon het.



Hulle het ook beide 'n kursus in die klassifisering van fisiek-gestremdes suksesvol voltooi deur die prakties opdragte te doen op Vrydag en Saterdag en hulle het elkeen 'n sertifikaat ontvang. Hulle is dus nou nasionale klassifiseerders en indien hulle by die volgende twee toernooie ook optree sal hulle kwalifiseer as internasionale klassifiseerders. Nou hoef gestremde spelers in Gauteng, wat tot die spel wil toetree, nie meer te wag vir 'n nasionale toernooi om geklassifiseer te word nie.

Die toernooi self was 'n groot uitdaging vir almal. Dit het die Saterdag voor die toernooi begin reën in Durban en die hele Sondag, toe die toernooi moes begin, aangehou. Een van die perke waarop gespeel moes word by die Durban Bowling Club, wat toevallig vanjaar reeds 119 jaar oud is, was heeltemal oorstrom - dit het soos 'n swembad gelyk! Die klub waar die siggestremdes hulle toernooi sou hou, was die tweede keer in twee maande geheel oorstrom en reëlins moes getref word by 'n ander klub.

Die uiteinde van die reën en oorstromings was dat die hele toernooi met twee dae verkort moes word, met verkorte wedstryde en tot vier wedstryde per dag, Danksy die sonskyn en ligte wind, het die perke baie vinnig herstel en almal het die wedstryde geniet. Wanneer iemand 'n wedstryd verloor, word by hierdie toernooi gesê die persoon het vriende gemaak. Bosman sê hy het BAIE vriende gemaak - 'n mens kan die gestremdes nie onderskat nie.

Hermien sou een van die BGN siggestremdes, Vickus Ackerman, op die baan gehelp het, maar

moes weens haar suster se siekte en latere afsterwe, reeds die Sondag voor die toernooi Kaapstad toe vertrek.

Onder die BGN spelers was Nico Beetge, Eric Streso, Vickus Ackermann en Herman Scholtz medaljewenners, altesaam ses medaljes.

Aanstaande jaar se Toernooi word gedurende Mei in Pretoria aangebied.

Baie dankie aan almal wat lootjies gekoop het vir boustene en dit moontlik gemaak het vir gestremde spelers om ook in die toernooi te kon deelneem.

Indien die witte skuif.....

Volgens reël

38. 1.3.1 Indien die witte gedurende pare, driespel of vierspelspel versteur word deur 'n speler word die kop NIE dood verklaar nie. Daar is genoeg oë by die bal om te kan bepaal waar dit gelê het en kan hulle dit dan herstel tot die posisie waar dit was.

38. 1.3.2 Indien die bal in enkelspel versteur word deur bv. die merker of iets uit die natuur, moet altwee die skippers besluit waar die bal was en indien hulle nie ooreen kan kom oor 'n posisie nie, word die bal dood verklaar.

The world is changed by your example and not by your opinion.

'N KOOPERATIEWE DAG wat gehou is was 'n reuse sukses. Baie dankie aan een en elk wat 'n aandeel gehad het hierdie dag en hulle tyd opgeoffer het om te network en so die klub en sy bydrywighede bekend te stel asook om nuwe lede te werf. Dit was suksesvol, baie gesellig en almal het die dag geniet in 'n gemoedelike stemming.

Don't confuse activity with accomplishment.

LIEF EN LEED

*Baie geluk Hermien en Bosman met die suksesvolle kwalifisering as **Nasionale Klassifiseerders van fisiek-gestremdes**. Dis 'n besondere prestasie.

*Vele "swaeltjies" soos oa. Thea en Daan, Estelle, Annetjie, Hennie en Johan het al noordwaarts na Die Eiland vertrek. Geniet die warmer omgewing en speel lekker rolbal.

*Wilma Olivier en Charl kuier by Charl se kinders in Brisbane Australië. Geniet dit!

*Dalina is ook op die krukke lys. Sy het 'n operasie ondergaan en sal vir 'n paar weke buite aksie wees. Sterkte en spoedige herstel.

*Elize gaan na Spanje en Portugal. Eers vir werk en dan vir 'n kort wegbreek. Geniet dit Elize.

*Hermien gaan vir 'n heupvervanging einde Junie en sal vir 'n paar weke buite aksie wees. Sterkte Hermien.

*Kobus is gereeld by die bane maar kan nie speel as gevolg van die huidige toestand van sy rug. Ons mis jou op die bane Kobus.

*Piet Schutte het 'n prosedure aan sy knie laat doen en sterk goed aan.

*Corey sukkel ook op die oomblik met haar gesondheid. Beterskap Corey.

*Aan almal wat platgetrek is met griep, sterkte en beterskap.

*Hermien se suster is oorlede. Ons innige meegevoel met julle gesin se verlies en hoop julle mooi herinneringe troos in 'n mate.

In Memorium

HULLE SKYFIES SAL ALTYD IN WEES:

*RIV. Chris Carstens: 1943-12-03 - 2022-05-09. Ons innige simpatie met Annelise en gesin met Chris se afsterwe. Ons gaan hom vir sy vriendelikheid, mooi gesindheid en entoesiasme vir rolbal onthou. Wat 'n voorbeeld van "die beste maak van 'n slegte saak", was hy nie gewees.



Skyfies vir John Ralph, Albie Venter en Bronwyn White, is gehang op die Bord van Herinneringe deur die oorledenes se eggenotes. 'n Minuut van stilte is gehou.

When your're at the end of your rope, tie a knot and hold on. Theodore Roosevelt.

KLEINJAN

Goeie môre Ma

Ek het nou net van my oggend stappie af terug gekom en besluit nou dat ek n tydjie het moet ek gou weer vir ma skryf. Ek moet net my koppie koffie vêr van die kompoeter of sit sodat dit nie dalk omval en my kompoeter be fonkfaai nie. Ma moet bietjie vir my laat weet wanneer ma my briewe lees sodat ek kan weet of ek moet sê môre of middag of naand ma. Ek wil nie sê haai ma nie. Onthou ma toe ons daardie een keer by die see was by Anmansimtotie toe ma in gegaan het in die see. Ek het vir ma ge skree haai ma toe daardie ronde vis met die groot tanne agter ma geswem het. Ma het net ge waai en ook ge skree haai. Toe die laifgard vir ma gaan haal het, het ma mos vir hom ge sê dit was n snoek en ma is nie bang vir hulle nie.

Ek stap nou al die vier kilometer pad. Ek vat my stap kiere saam. Die een wat ek mos lankal van die appelkoos tak wat ek op die plaas gesny het gemaak het. Net vir veiligheid as n brak of een van daardie gras bemorserkies my dalk storm.

Ma weet, as n mens so stap kom daar alle goeters in jou kop op. dit laat jou dink toe jy nog klein was. Ander goeters ook. Ek het vanoggend onthou hoe sussa op die plaas in die aand die black Cat gaan steel het. Sy het met daardie wol slippers so stil soos n kat op safraan geloop. Haar mond was in die oggend nog pure peanut butter as sy opstaan.

Ek moet net my berienks bymekaar hou sodat ek darem die karre wat so vroeg werktoe gaan kan hoor aankom. Dit is eintlik nie die karre wat werktoe gaan nie, dit is die passasiers. Die blerie teksie drywers gee mos nie n dem om hoe hull ry nie. Een het my vanoggend amper op die sypaadjie raak gery soos hy op die geel streep verby gaan. Die maaifoerie.

Ek stap nie op Dinsdag en Donderdag en Saterdag nie. Op die rolbal baan waar ons speel stap ek baie op dié dae. Ma weet, n rolbal baan is, soos ek gehoor het, omtrent veertig groot tree lank en dit is so breed ook. As jy nou vat as ons singels speel, moet jy speel tot die lit wat wen een en twintig pinte gekry het. Die ander lit wat verloor het kry nie soveel nie, maar hy kan amper soveel kry.

Hulle noem dit jy speel koppe. Ma moet nie verkeerd verstand nie. Een kop is die veertig tree wat jy in die breedte speel. Jy kan ook in die lengte speel. Ons Prident van ons klub sê in die oggend in sy toespraak hoe ons moet speel. Dit is partykeer van Noord na Suid dan weer van Oos na Wes. By ons baan is Oos na Wes na die ander kant toe, soos van die stoor af na die spruit toe. Net na die ander kant toe.

Daardie klein karkoertjies wat ma plant vir die minder bevooregte watrlemoen konvyt kan amper vir n rolbal gebruik word. Ma ek mag nie die ou naam sê nie want dit sal nie in die politiek reg wees nie. Die karkoertjies is omtrent so groot soos Terrible Hardy se nommer sewes. Daar is 'n ou antie wat met nommer viers speel en sy is al so oud soos die Vaaljapie trekker.

Ma en Ma weet nie hoe kan hierdie mense vergeet! Hulle is altyd opsoek na kosbakkies, hulle balle en tot hulle se klere. Los alles net so by die klub. Wonner wat sê die mense as hulle sonder klere by die huis kom en wie dink hulle moet dit oppas? Ek dink alles moet in 'n skut kom soos die beeste as hulle rondloop waar hulle nie moet nie en dan moet jy betaal om jou goete terug te kry.

Hoekom wou ma weet of ek miskien al n meisie het? Ek kan nie, want my kar se passisiers seat is mos deur gesit en stikkend. Verbeel jou nou as ek n meisie moet uitvat en sy moet in 'n kar ry met n stikkende seat. Ons het nie iemand in ons toolboks wat stukkende seats kan doen nie. Miskien kan ek vir Doorn vra. Sy is goed met naaldwerk. Sy maak baakies en groen broeke en arm sokkies.

Jakkals het vanoggend amper weer n duif gevang. Hy het net te laat gespring en die duif het

weg ge kom. Die laaste een was net vere in die kombuis. Niemand wil die brak hê nie want hy vreet jou uit die huis uit, net soos boeta toe hy nog op die plaas was.

Ma, die haas is toe nooit ge kastereer nie en die paas naweek is al verby. Ons het niks eiers gekry nie. Liesel wat so lekker kos maak in ons klub se kombuis het darem vir ons eiers en myonuis toebroodjie ge maak wat ons saam met die tee gekry het. Ma, daar is darm nou n voorslag as jy nog nie een gesien het nie. Sy kan omtrent alles betower en opdis.

Willem en sy vrou, wat ook litte by ons klub is, is nou terug van hulle vakansie af. Hulle het vir drie maande by die see in 'n karafaan gebly en vis gevang. Hulle het die karafaan van hier af rond gesleep. Hy sê vir my dat toe hulle by die kalaharie verby sleep het hy eers gestop om bietjie oor een van die hoë sandduine te ry. Toe hulle amper bo was het die for by for gaan vassit. Hulle was toe in diep akkies. Gelukkig het hulle n graaf gehad om hulle self uit te grawe. As hulle met die karafaan agter aan oor die duine gery het, was die akkies nog groter en dan het hulle twee grawe nodig gehad.

Ek het hom gevra van watter Willems is hy. Hy sê van syl. Dit kan nie van Koos Boontjies se pa Willem van Rhodesia familie wees nie, wan Koos sê sy pa was van vleis en nie van syl nie.

Ma, die balle waarmee ons gister gespeel het was almal swart. Jy moet mooi kyk watter een se span se balle lê waar. Hulle is net soos sprinkle en kallander. Jy kan maklik n fout maak en jou eie bal uithaal.

Die loud sheddieng werk nou op my nerwe. Dan is die elektries aan en dan is dit weer af. Gister aand toe ek toilet toe gegaan het en net lekker gesit het toe is dit weer af. Ek kon nie eens die toilet trek nie want dit was donker. Ek het voor ek vanoggend ge loop het gou die toilet gaan trek. Kan oom Soois wat op die minusiepaal se board is nie bietjie met die Ekskom mense praat en vir hulle sê dit is somer nonsense die. Mens kan nie eens in vrede jou dinge ligtelik doen nie.

Ma ek gaan nie kla nie. Ek gaan nou eers groet want ek moet nog die tamaties gaan natspuit voor hulle die water ook afswiets.

Groete weereens aan almal.

Altyd ma se seun

Kleinjan

**Success is going from failure to failure without loss of enthusiasm.
Winston Churchill**

BOEKE:

In die boekrak is boeke wat jy kan neem om te lees. Vir elke boek wat jy neem moet jy asseblief R5 in die kassie, by die boekrak, gooi.

As jy klaar gelees het bring asseblief die boek weer terug sodat iemand anders ook leesgenot daaruit kan put. Indien jy boeke het wat jy nie weer sal lees, skenk dit asseblief aan die klub.

Dankie aan Judy Ralph wat hierdie aksie hanteer. Skakel gerus met haar indien jy meer informasie benodig.

KANSADAG:

10 Junie is Kansadag, ondersteun asseblief hierdie dag. Fondsinsameling ten bate van KANSA. Kom deel in die pret saam met talle nie-spelers.

Leon Smith staan aan die stuur. Skakel gerus met hom vir meer informasie.

BAANDIENSROOSTER vir Junie en Julie 2022

Speeltye: Dinsdae en Donderdae oggendspel 0915 vir 0930 en Saterdag middagspel 1315 vir 1330

Pligte vir mans sluit in die volgende: Uitsit en merk van bane, hys van vlag (en stryk na spel), uitsit van spanne en drink water.

Pligte vir dames sluit in om Liezel te help in die kombuis indien sy hulp benodig en **bereid** wees om te help in die saal indien deur Bestuur versoek.

Indien jy op n spesifieke dag/maand nie jou diensbeurt kan nakom nie is dit **JOU** verantwoordelikheid om uit te ruil of iemand in jou plek te kry. **Sameroepers moet asb onderling reël.**

Junie 2022

Sameroeper Mans: Willem van Zyl 082 375 1275

- Johan de Villiers
- Martin Snyman
- Emil Haarhof

Sameroeper Dames: Ronell van Zyl 083 334 3991

- Sue Render
- Wilma Olivier

Julie 2022

Sameroeper Mans: Ben Bonthuysen 082 824 3703

- Conrad Greve
- Andries Noeth
- Koos Schoeman

Sameroeper Dames: Dawn de Beer 082 323 8820

- Adri Greve
- Judy Ralph

Problems cannot be solved by the same level of thinking that created them.

VERJAARSDAE IN JUNIE

Happy Birthday!

Never live in the past but always learn from it.

2	Bertie Loots
13	Frikkie v Niekerk (vriend)
15	Herklaas Meyer
18	Felicity v Rensburg
19	Will Naude
19	Nick Roelofse
20	Leon Smith
21	Jurg Odendaal
25	Cobus Aikman
25	Ben Foord
27	Hessie de Lang
28	Veronica Bannenbergh
28	Maria Steyn
29	Johan Lampbrecht
30	Duo Oosthuizen

VERJAARSDAE IN JULIE

Veels Geluk!!

Life is short. Do stuff that matters

1	Stephan Weber
1	Adri Greve
2	Ina Malan
4	Gertie Botha
5	Dawn de Beer
6	Tian Pieterse
8	Elize Stoop
14	Tertius v d Venter
26	John van der Veen
28	Ian Thompson

"People take different roads seeking fulfillment and happiness. Just because they're not on your road doesn't mean they've gotten lost" Dalai Lama

Lekkerbreek 2022, 'n terugblik.

Sondagoggend, 15 Mei het uiteindelik aangebreek. 28 lede van Centurion Rolbalkklub se jaarlikse uittoeg na Lekkerbreek het voor die deur gelê. 'n Betroubare getuie het beweer dat Danny al 08h00 die oggend gereed gesit het om te vertrek.

Teen 12 uur het die meeste voertuie uit verskeie oorde in Centurion die tolpad Kranskop toe begin aanvat. Danny se geleentheid het uiteindelik opgedaag maar helaas was die tog maar stadig, aangesien twee of drie ander voertuie Daan se motor op die snelweg verbygevat het. Alreeds het die Whatsapps begin rondvlieg, en Dawn, John en Leon was eerste by Wimpy (volgens sommige mense nog voor die Wimpy oop was).

Die groot gros mense het eers later daar opgedaag en die early birds was toe al reeds weg plaas toe. Hulle het egter eers teen 15h00 by Lekkerbreek opgedaag omdat hulle eers by die krugerwildtuin 'n draai gaan maak het. Blykbaar was die navigasie van Leon onder verdenking, en het John se kar se band en winskerm skade opgetel in die soeke na die regte pad. So in die stof het ons by die hek aangekom, waar 'n VW beetle met 'n volledige aftreetuintjie in, ons begroet het

Teen 15h45 was al die genooide gaste uitgepak en het hulle gereed gesit en wag dat die verrigtinge moet afskop. Die Hoofmeisie het kort, maar kragtig die nodige beplanning vir die week met almal gedeel.

Almal het getooi in een of ander gewaad of teken van hulle spanne opgedaag. Ronel en Willem met hulle rooi en blou koppe het egter die meeste lofliedere ontvang. Zinda en Ernst het toe hulle karaoke stel opgestel en almal is voorgestel deur een of ander bekende liedjie. Die grootste applous was verreweg die temaliedjie van Nommer Asseblief waardeur ene Louie voorgestel is. Ander wenners was die Yellow Aeroplane van Koos en Waltzing Matilda waarmee Tillie bekendgestel is.

Die eerste skok van die week is bekend gemaak toe daar verneem is dat Daan en Thea (nogal hoofmeisie en yskaptein onderskeidelik) se rolballe by die huis vergeet is. Na vele



sooibrandaanvalle en selfs een of twee ligte beroerteties, is vasgestel dat die storie deur Simpel Koos (Oom Daan se naam vir Koos), versprei is en dat hulle balle toe nie verlore was nie.

Met groot behendigheid het Kosher Willem en John die eerste braaivleisvuur van die week aan die gang gekry. Baie openingsdoppe het gevloei en daar was gevrees dat daar dalk gesê kon word dat sommige lekker stukkend was by Lekkerbreek. Dit was toe egter nie die geval nie, en almal se vleisies is keurig voorberei en verorber saam met Thea se mieleipap en sous. Ongelukkig was daar mense wat Kosher was en daarom nie van die pap ge-eet het nie.

Maandagoggend, 16 Mei, is met groot opgewondenheid begroet en almal het vir Wolfie, die

mak mongoosie, en die mak duifie ontmoet.

Voor ontbyt het Gerrit 'n inspirerende begin aan geleenthede gebied met sy baie gepaste opening. Ons is almal herinner aan ons verganklikheid en ons dankbaarheid wat ons moet hê teenoor ons Skepper wat so lief vir ons is.

Met groot entoesiasme, en 'n maag vol lekker Cowboykos is almal rolbalbaan toe. 'n Nat en stadige baan het ons ingewag en ons weereens laat besef hoe bevoorreg ons is by Centurion met ons pragtige bane.

Almal is plegtig gewaarsku dat geen wrong biases geduld sou word nie en dat enige iemand wat hulle hieraan skuldig maak, gestraf sal word. Dit het nie vir John, Sue, Marieta, Stephan en Marieta afgeskrik nie en hulle het die rekening pragtig geopen.

Teen 11h00 is die spel gestaak, en Gerrit het die oomblik van stilte gelei waar ons geleentheid gehad het om ons groot rolbalvriend, Chris Carstens, se gedenkdienste mee te leef. Dit was 'n mooi gebaar en pragtige oomblik. Ons het ook gedink aan al die ander lede wat in die laaste paar maande iemand naby aan hulle moes groet.

Die middag se spel was tussen die verskeie spanne en Geel en Rooi het as oorwinnaars uit die stryd getree.

Die persone met die meeste Touchers vir die week gaan, volgens Oom Daan, 'n groot prys kry, naamlik die Volkswagen by die hek.

Tydens middagspel is ten minste vier spelers ontnugter deur uit te vind dat hulle balle gevaseline is. Die blaam is dadelik op Daan geplaas, maar hy het gesweer dat hy vir een keer in sy lewe onskuldig was. Toe die trane oor sy whiskyglas begin loop, het meeste mense hom geglo en dadelik die blaam na Koos toe verskuif. Hy het niks erken of ontken nie, en omdat hy so baie al drooggemaak het, kon hy nie onthou of hy die slag onskuldig was nie.

Na 'n diep ondersoek en flinke speurwerk is die skuldige ontbloot as John wat met 'n 3 kg blik Cobra vloerpolitoer in sy rolbalsak betrap is.

Aandete se burgers het baie goed afgegaan, en is voorafgegaan deur die nodige strafdroppe uit te deel.

Koos en Francis is eerste gestraf vir hulle onverantwoordelike optrede om van die ouer garde te ontstel met die storie van die vergete balle.

Al die Wrong biasers is ook gestraf en het hulle naartjiepille met oorgawe gesluk. Corey was baie ontsteld omdat sy nie ook kon kry nie, en het belowe dat sy nog baie Wrong Biases in haar het.

Aandete is genuttig en John het die aand se vermaak gelei met 'n poging tot riemtelegram (broken telephone). Die gehoor van die ouer garde is behoorlik getoets en die boodskappe het maar krom en skeef in die rondte geloop.

Die eerste byna dramatiese gebeurtenis was toe Tant Hessie van haar witperd afgeval het. Beide Danny en John moes deurloop onder haar vermorsde drankie en Danny sweer dit was hoekom sy broek nat was na sy reddingspoging om Hessie se val te keer. (Daar was nie drank by betrokke nie).

Ons het ook kranige voëlkykers in ons midde ontdek. Mense het voëls uitgeken wat nog nooit voorheen in hierdie omgewing opgemerk is nie, maar ons aanvaar hulle woord.

Die groep het onder andere ons eie bosveld katlagters uitgeken naamlik Zinda, Adri en Louie. Selfs die jakkalse raak stil as hierdie drie aan die lag gaan.

Dinsdagoggend is begin met opening deur Johan Meaker wat almal in die regte gees geplaas het. Oom Daan het belowe dat hy later in die dag die verhaal van die Parmantige Samaritaan met die groep sal deel.

Oggendspel het sonder ernstige voorvalle geskied, en middagspel het 'n paar titaniese stryde opgelewer, met die Rooi en Groen spanne as oorwinnaars.

Na 'n Kerrie en rys aandete het ons eie Bingo-aankondiger, John, die aand se verrigtinge afgeskop. Daar was drie weners naamlik Sue, Ernst en Johan wat hulle kontantpryse van die Casino Queen, Thea, ontvang het.

Tillie was in beheer van die nommers wat getrek moes word, maar het na vier nommers die masjientjie se meganisme gebreek. Nog iets wat lekker gebreek het op Lekkerbreek.

Die Bingo aand moes drie keer onderbreek word sodat party mense hulle ore kon gaan charge het.

Die hoogtepunt van die aand was toe elkeen hom of haarself moes voorstel aan die groep met 'n mini-biografie

Ons het soveel van ons medespelers in die tydjie geleer, waarvan alles nie oorvertel mag word nie.

Ons weet nou wel dat ons verteenwoordigers hier het vanaf Bethulie, Richardsbaai, die wilde weste (Krugersdorp), die Weskus, Kalahari en selfs Holland en Kenia.

Ernst se kop is deur die mak tortelduif as broeiplek uitverkies. Toe hy uiteindelik van die lawwe voëltjie verlos is, is Ernst as voëlvry verklaar.

Ons het geleer dat Zinda met haar Duitse onderwyser van standerd sewe by Monnas herenig is, toe sy begin rolbal speel. Haar onderwyser was Gerrit, wat ook 'n kenner van windpompe is. Ons het twee baie vermeende soldate in ons midde ontdek in die persone van Leon en Willem. Willem mag egter nie praat oor sy loopbaan nie.

Judy en John het albei tyd in die tronk deurgebring, ons het 'n Pilot, 'n koffiemoë, 'n roomysmaker, en ons eie Ystervrou (25jaar by Yskor).

Ons het geleer hoe egpare ontmoet het. Louie en Stephen was op 'n stasie, Francis wou vir Koos 'n bedwas gee, en hy moes maar met 'n oorwas klaarkom, Willem het vir Ronel in 'n kafee voorgelê, en Elize is op 'n blind date vasgetrek.

Daan is die man van die S'e: Hy was skolier, student, speurder, spioen en nou is hy 'n spensionaris.

Woensdag was dit weer dieselfde: opening, brekfis, rolbal, middagete en rolbal. Die Rooi span het met kranige vernuf die Groen span gewen om die week onoorwonne af te sluit. Die

span het bestaan uit die Hoofmeisie, die koffiemoffie, die Hollandse professor, Corey, Adri, Ernst en Ronel.

Die drie Nagtegale (Elize, Adri en Dawn) het na die aangedbed 'n pragtige uitvoering van O Heer my God gesing.

Gerrit het die aand se vermaak ingelei deur met die deur in die huis te val, met 'n speletjie oor afrikaanse idiome. Party het die bobbejaan agter die berg gaan haal, sommiges het spek geskiet, ander het mekaar om die bos gelei, een het selfs met 'n ander se kalwers geploeg. Maar almal het skouer aan die wiel gesit en 'n sukses van die aand gemaak.

Die strafdroppe is met groter entoesiasme gesluk:

- John, omdat hy ontmasker is as die geheimsinnige een wat ander ouens se balle met Vaseline besmeer het,
- Conrad omdat hy iemand anders se bril kamer toe geneem het en sy selfoon langs die vuur probeer charge het,
- Elize, wie haar self moes straf omdat sy tydens hulle stiltetyd in die kamer nie kon stilbly nie, oor die verhaal van die Parmantige Samaritaan
- Marieta, Louie, Thea, het ons nie teleurgestel nie en Wrong biases ingeryg
- Ernst, omdat hy nie rolbalreëls op die baan toepas nie, en menige gesprekke gevoer het met mense wat besig is om te rol.
-

Daarna het meeste mense hulle van die geselskap verskoon, en 'n vroeë aandjie gehad.

Donderdag is weereens begin op gepaste wyse met 'n mooi boodskap van Leon. Die rolbal was redelike chaos omdat skips op lei gespeel het, en leie en tweedes, skip. Niemand het geweet wie moet besem wanneer gebruik nie, niemand het aanvanklik tellings opgeskryf nie. Leie het balle in sloot in gedryf....

Donderdagaand het die oomblik van waarheid aangebreek, waar die wenners van die week gevier is. Longfellow Conrad en Maria het die meeste punte vir die week gemaak en is die trotse medehouers van die Lekkerbreek trofee vir 2022!!

Die toucher Queen vir 2022 is Adri, en die wenspan vir 2022 is Die ROOI span.

Die aand is afgesluit deur 'n onge-ewenaarde dansvertoning deur ons eie Private Dancer, Francis, en 'n onbekende mannetjie met 'n Willem-masker op.

Die gevreesde droogmakers is ook deur ongelooflike speurwerk van ons eie speurder Oom Pink Daan Panther onthul en Ernst en John sal moet hard werk voor volgende jaar se Lekkerbreek omdat hulle nou offisieel onder sensuur geplaas is.

Al die gestrafdes moes die slag met Oom Daan se Boegoebrandewyn worstel. John het drie keer teruggekom en sweer dat die goed sy seer enkel gesond gemaak het. Daarna wou almal van dit sluk.

Almal wie bedank moes word, is toe bedank, alhoewel woorde nie almal se emosies volledig kon beskryf nie.

Ons is trots om te kan sê dat niemand rerig stukkend was op Lekkerbreek nie, maar die wat daar was, en nie hulle self geniet het nie, kan net hulle self blameer. Dit was 'n onvergeetlike 5 dae van samesyn, goeie en slegte rolbal, baie lag en bietjie huil.



Vrydagoggend is die verrigtinge afgesluit met 'n lekker ontbyt, 'n dankie-sê aan die Lekkerbreek personeel, die hereniging van Thea met haar verlore rolbal, en die jump start van oom Daan se kar.

Dankie aan ons Vader dat Hy oor ons gewaak het in die vyf dae en dat ons almal veilig tuis is.

Ons skakel nou terug ateljee toe vir die Top 28 vir die week op Lekkerbreek Radio:

1. Judy - Jailhouse Rock
2. Tillie - Another Brick in the wall
3. Koos - Leaving on a Jet plane
4. Francis - Private Dancer,
5. Dawn - Lady of the Dawn
6. John - Grease
7. Johan - My sentimental friend
8. Hendrina - Forever Young
9. Herman - My pellie Herry
10. Corey - The lady in Red
11. Ernst - I can help
12. Ronel - Caravan Song
13. Willem - Wild Thing, my seun mieliepap
14. Leon - Dis lekker in die Army
15. Stephen - tussen treine
16. Louie - Loslappie
17. Elize - Dirty Dancing
18. Zinda - The Peace maker
19. Marita - Going Back West
20. Maria - Clap your hands
21. Daan - Ring of Ice
22. Thea - The Best
23. Sue - Wake up, Little Suzie
24. Adri - die vrolike Musikant
25. Hessie - Push me to the floor
26. Danny - Hitchin a Ride -
27. Conrad - Longfellow serenade
28. Gerrit - If you ever come to Amsterdam

You must be able to walk the walk before you can talk the talk.

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: www.centurion.bowls-club.co.za
en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik